

陶

山

詩

錄

陶山詩錄卷四

善化 唐仲冕 六枳

西行集

戊午元旦二首

重華光四表萬國慶三元
後旦常臨御荒彝儼在門
辟雍王度重蒐閱

主威尊次第聞新政應增講德論

物廣生萌蘖時平有繹騷
遙聞秦塞靜已迫蜀山高
害馬先除牧亡羊合補牢
潢池行自息置吏得謙勞

次韻周雲臺送別兼送雲臺四首

荷鍤方還軫端箸尚決藩

正且筮得大壯藩決不羸象為尚往馳驅原有

數任使豈非恩函谷春多雨蕭關夏不暄寒衣經典盡相對倒清尊

王靈通塞徼國帑衛黎元火檄傳金部星符近玉門黃河千里曲華岳萬山尊遙指西征路狼煙靖曉暎

我方吟四牡君亦賦離騷羌笛吹難聽湘靈調已高

雲臺

亦以二月歸應秋試

宦情隨野馬客夢醒蒲牢輪與奚囊白周防

覓孟勞

送君先送我翻覺別情多且趁飛花未其如折柳何歸心逐雲樹揮手隔山河親友如相問滄浪寄棹歌

江口守風登清波閣

春波閣上春風顛春波閣下春江連江聲入潮翻巨浪
江風帶雨迴孤船船向江頭不敢進舍船登閣探風信
瓜步城邊五兩收蒜山渡口千檣隱可憐登閣客徘徊
長風萬里從西來似阻征塵添別思豈知官限馳軍牌
程限西馳七十驛暗數歸期近秋日春光強半逐飛鴻
煙波此際迎新鳥眼前波泛春如海草色黏天迷暮靄
登臨莫負南浦情挂帆一昔江風改

行路難

人心苦不足丐子羨擔夫擔夫思徒步徒步愛騎驢騎

驢媿走馬走馬避乘輿更望車生耳高蓋擁八騶叶豈

知各有失其患在不虞步行或躓仆車行或載輸此雖

憂傾覆猶未及身家叶楊楊意自得冠蓋喧街衢一跌

不可問丐子且弗如安危自相倚大小視所居吾將讓

丐子屏息趨路隅

臨淮關

臨淮古亳州淮水齧其城縣邑既裁併斥堠猶崢嶸異
時淮為患今則河屢驚去年渡淮水清口水正清其時
浚新渠畚插萬指營子亦裸徒卒深廣就使令乃聞渠
成後再塞復再傾淮黃尚未合上流河奔騰臨淮今問

渡復作洮河行河源非所求轉餉給邊兵

國富甲前古近耗河興征赤子弄矜棘度勢不足平但
得廉恥將誰非耕鑿氓治河無上策歲歲煩發徵漏卮
不能塞沉竈將焉升昔禹鎖巫祁淮流永奠寧播允同
為逆灑澹功克成諸公膺重寄何以慰黎蒸遠役奚足
惜臨流空復情

淝水懷古

江左夷吾第一功階前玉樹得元戎不妨折屐兒曹捷
頓使投鞭百萬空氏運已殘捫蝨後晉家權定奕棋中
當年破陣摧鋒地千載猶聞鶴唳風

牛車二首

柴車下澤走龍鍾，薄笨難追小馬蹤。
頗費商歌敲白石，誰聞鈴鐸中黃鐘。
朝登阪上雷聲急，夜飯墻隈月影重。
亭長不妨輕奪得，由來徵士是村農。

關河縣邇歷征塗，黃犢鳴牟且授芻。
為語重人休欲速，莫教將伯助全輸。
將軍自愛綸巾坐，丞相應慚麈尾驅。
枉道法門龍象在，有誰能載上乘無。

古詩為亳州某新婦作

夜語聞鵲鷓，春陰唳謝豹。
行人走亳州，觀獄城隍廟。
云有亳州民，將娶病不療。
阿母與舅氏，聞婦頗有貌。
子死

不發喪婦至可再醮奇貨此可居驟遣迎婦轎入門廢
合衾蒙汗戒驚覺是日當出殃俗忌骨肉趨阿母及小
姑扃戶如避盜新婦故不知伴郎臥室奧死者忽呻吟
新婦親問勞啟被索羹湯洗手入厨竈頗訝室無人倉
卒未能料鄰人疑炊煙奔為阿母道阿母及小姑歸家
視薪燎子見阿母來迎母作言笑阿母駭殃鬼驚絕乃
大呌新婦尚在厨小姑亦驚倒移時小姑甦救母竟無
效新婦故不知夫愈母亡暴未得奉姑嫜匍匐增慘悼
舅氏闕然來登堂肆訶譟阿母死有由新婦大不孝幸
有小姑良對簿以情告州牧斷其獄以神道設教此獄

真竒寃神明當默照

商邱懷古

亳社遺封問舊基
武津關外柳如絲
奸雄腹痛橋公墓
耆老心傷閼伯祠
不信木蘭為女子
定知南八是男兒
曼卿莫上防邊策
且把豪情付酒旗

寒食睢州道中十六韻

一百有五曰半晴
還半陰
薄寒添柳重
輕霧隔花深
芳甸嘶游騎
孤村起宿禽
杏紅浮白處
草綠瞻青心
六鷁飛還退
雙鴻去欲沈
錦池波漱漱
隄樹碧森森
客似漆園吏
行經桑柘林
屈平仍楚些
陳軫尚吳吟
路向涼州

塞春殘汴水潯風偏生被褐火已禁烹鬻小市錫簫出
荒邱酒榼斟每逢人櫟墓頻使我沾襟落日瀟湘浦淒
煙秦岱岑鄉關雲外斷親舍夢中尋澗度烏樵影枝傳
戴勝音懷歸吾豈敢塵鬢曉霜侵

大梁二絕句

大梁快事有雙椎朱亥何如博浪竒堪笑秦皇夷六國
等閑失却帝王師

拂羽鳴鳩不避鷹採桑齊織汴州綾我來買得絲千尺
不繡平原繡信陵

曉發中牟

鐘動牟山夜氣消薄寒和月上疏寮車聲到枕人攜襍
水色侵衣馬度橋雉雉綠煙滋宿莽飯牛紅雨種新苗
春風料峭驚塵面拚却詩瓢愛酒瓢

發鞏縣渡洛汭二首

山鳥山花送客忙山行曉露欲沾裳夏臺半辟桑林茂
宋室諸陵麥秀長叱犢時聞巖絕頂呼稀多在穴中央

嚴光不及牢生遠未肯柴車上洛陽

縣有子陵祠

東道洪河過洛川郵亭遲渡整停鞭曉風一箸榆錢粥
春水三篙杏葉鞦何意宓妃曾授枕如逢仙侶會同船
委端莫忘治民績華髮而今已蹉顛

偃師道中

百里平疇入蔚藍
遠山明媚帶晴嵐
欲題洛浦黃初賦
好倩鯀城白鶴驂
精氣千年餘碧血
辨才一夜屈元談
昌黎別有無窮感
特酌田橫酒一坭

洛陽賈生祠

家近長沙祠每懷
汨羅弔茲游至洛陽
如見宣室召滿廷
漢公卿不識緇衣好
吳公能薦賢治行誰
與校高風
追信陵一老一年少

新安

秦坑趙張平楚坑
秦新安禍莫大於殺
已降秦趙之坑

若循環白起項羽皆齒劍沛公長者先入關當時人力
不相抗二十萬人同日葬地下應笑諸儒生議禮不決
如降兵

靈寶道中即事

將至曲沃城途遇潘楊睦家居在郿隄避寇出潼谷云
當二月中庀材謀葺屋忽聞山盜來有似風雨速挈孥
渡津涯徙器出崖麓粗略具賄財踉蹌走僮僕升高望
村堡野火照原陸不聞干戈聲惟聞婦子哭西安且戒
嚴羣帥事追逐幸搖出關鞭乃轉入關轂王程雖有進
亦宜謹信宿我言盜如毛焚掠極荼毒天心仁斯民鼠

革命已促近聞新總制號令甚嚴肅善鼓軍中氣盡獮
草間伏我不持寸兵爾歸復邦族

潼關行

黃河北界中條山南倚大城如鐵堅單車一道容出入
曉日四扇嚴開關如何哥舒將百萬竟少當關一夫健
雁門尚書昔未亡驅斬劇寇如羣羊自昔舉賢出牛口
隨會未來詹嘉守我

朝邊徼盡干城百年腹地無刁斗綠林梗化敢弄兵負
隅竊發嬰天刑南山忽賊焚林獸西師已翦橫波鯨民
生久不見金草寇警安能戀田宅也知旋螳迫沸釜其

卷一百一十五
四山言金卷四
奈蜚鴻滿中澤逋竄遮攔須要害河東調戍桃林塞城
頭油幕連雲開關上戟牙飛鳥礙據險奪隘果如此摧
枯拉朽無難矣從來僕射如父兄反側來歸似流水第
令撫慰足衣糧莫使奔逃去鄉里買犢千家荊棘除放
牛一日瘡痍起

潼關旅次贈權司馬楊五芷南三首

匹馬重關路入秦道途風鶴阻征輪隻雙候記三千路
廿四風殘九十春努力鹽車登峻阪驚心羽檄望煙塵
遲迴假館勞司里不事將振戒國賓

鄠杜村疇襁負來山頭烽火近章臺喜聞虎旅行如雨

快掃妖氛疾若雷
關外列城枹鼓定
蕰東戍卒畫旗開
桃林自古稱雄塞
靜鎮全憑幹濟才

崇墉却月陳連雲
搶攘還邀客一醺
行李幸逢東道主
勞薪自媿北山文
洮河遠塞當乘傳
商洛深林尚駐軍
與在驪駒懷靡及
周爰咨度拜殷勤

華陰廟望嶽蔽於風霧不得見

生長岱與衡
巖立慕二華
及茲四十年
公行喜私偕
簡書赴官程
吟眸預迎迓
浩蕩及潼津
相違止一舍
聞戒有淹留
逆旅難休假
候人報解嚴
驛吏乃促駕
登陟待歸途
眺矚擬隔夜
險塞出康莊
顥靈開廣榭
文梓認青

牛古柏走香麝琳宮露為槃苔梯雲作架拾級氣猶雄
憑軒意先下忽逢曉霧濃劇苦酸風射迷濛五里市怒
號百圍鏹非惟阻峻崢未許窺造化譬如謁大人拜塵
遭叱咤昌黎登祝融屏翳為公罷東坡禱海若蜃市來
何乍我如舉一手蔽目增嗟呀望嶽尚無緣買山豈有
價登樓已殘春旋軫或盛夏溽雨應更多濟勝當誰藉
立身媿未高省過恐不赦焉敢上綠章情同李僕射或
者進賢冠先逢沛公罵始難方破竹漸入思啖蔗山英
倘見許願策追風跨

郭汾陽祠

大人望重冠同儕獨善居功是雅懷音樂散尊楊僕射
旌旗新讓李臨淮鴉盤竿杪風鳴鐵松老簷前雨墮釵
夜夜長庚照祠屋千秋知己感天涯

阿房故址

秦人土木楚人火化作飛塵向空墮漢武不惜柏梁災
更起建章連馭娑駸斗潛移廢赤符漸臺一炬無青瑣
長樂牛飲面首開華清象舞腰支鞞從來奢麗極荒淫
必以兵戈蕩堆塚秦王倒海鞭山才一宮未成三戶夥
金銀珠玉錮驪山焚林又被牧童禍生不得居璇宮死
不得葬蓬顆昔時可建百丈旗今日惟見酒幟飄飄柳

陰坐昔時可宴千人帳今日惟見繡壤年鋪麥浪妥頗
訝夷陵報劫灰但餘德水流澹沱行人休抱牧之哀大
風乍起揚塢堞

華清泉歌

靈湫百丈陰火煮浸玉跳珠互吞吐不寒不熱含溫和
千人萬人滌塵土開元天子華清遊海棠睡足駕鵞浮
銀河七夕泛牛女金蝦蟆化黃長虬洗兒初罷賜湯餅
鼎沸還同景陽井長纓飛散滿梨園鈴雨郎當懷繡嶺
我聞丁夫壬妃為水仙滿汨揚華作溫泉飛廉佚女欲
大恩穢行往往遭風偵驪山豈信不祥地何處山川容

秘戲老姥曾受陰符經阿環况是瑤池侍臆漲銷沉第
二泉泉底歎噓冷不然萬年銀海無朝燭空亭斲石生
苔錢

灞橋

何年橋斷隔殘雲竟日溪流送夕曛歇後自嗤新宰相
呵前那識舊將軍馬嘶古渡沙初暖燕掠晴波草欲薰
一種離情數行柳風前落絮正紛紛

邵平里

秦雖亂天紀不為臣則已如何為之臣藉口事他氏范
陽令先下罪與丁公比青門未臣漢濁世獨知恥東陵

有故侯西山有二子種瓜與采薇高風差足擬不然避
紂歸豈反為紂死卓哉桃源人邈然去城市

咸陽二首

高城萬里鳥呼風飛絮游絲引客驄豐水浮梁通渭水
漢宮荒草入秦宮靈臺鐘鼓傳矇眊原廟衣冠問牧童
旅館南柯伴孤枕

驛館有古槐

滿樓惟見夕陽紅

麥氣浮郊出故都咸陽橋外接平蕪輪臺頻寤車丞相
元塚應題莽大夫楊柳春風催去騎松楸暮雨亂棲鳥
渭城莫聽歌三疊邨郭相招酒一壺

醴泉留別周節齋刺史

安邵

周子卅角交早歲宦江右忽啟旅舍門廿年一握手翦
燭話疇昔曾綰義渠綬吏議已去官從戎復還舊去年
領秦師防禦西鄉口山南清涼州梁洋之關紐飛揚見
蜂蠆蹴踏賊蹠風書生未荷戈羣盜自却走非特全餘
生且獲贖前咎頃因整厓警盛兵嚴干楨醴泉通陳倉
奉檄謹防守幾日浚城隍隨時勞童叟團練皆貔貅倫
竊本鼠狗不能制狼奔未免羞牛後孔翠羽為儀金印
大如斗軍賞不踰時天戮尚稽久

朝廷赫斯怒兵力集已厚楚蜀方夾攻奇兵在善誘伏
波誅徵側渠魁並傳首餘黨或負隅尅日定殲醜復官

未足榮家書報吾母周子小軀幹才氣故雄赳尤恐玉
石焚惻然論禾莠因思治病源敬寡至屬婦當使游惰
民轉而緣南晦吏各盡其職萬里如戶牖良時各努力
良會宜復有晨光促征夫銜杯歌四牡

瘦牛行

瘦牛失主神錯莫骨格孱顏角紵昔

讀若錯本
考工記

背上鞭

痕與箭瘢云從行陣棄郊郭楚澤狐鳴蜀道難官軍排
徊寇氛惡谷口飛書儲糗糧轅門下檄傳金柝浹豺
虎正從橫百里貌貅尚盤礴賊方上馬拔營壘士反騎
牛載囊橐謂行已遠勿追奔此捷可奏事按索牛性多

遲免齧跽椎肉為脯足腳腫諸軍皆以肥相犒此牛幸
因瘦弗縛賊過有馬不待借師行得牛喜可躍古來或
以牛致勝誰效田單驅尾灼寢訛宜聽牧童歌馳騁徒
遭笨伯謔牛兮牛兮爾尚存春深草長齡且嚼行當放
爾歸桃林努力耕耘報收穫

立夏日雨霽二首

春竟歸何處人猶滯此間曉窓初試日薄霧又籠山風
揭承塵起雲隨去翼還積陰寒轉重強醉一開顏
劇盼崇朝雨翻憂三日霖門喧新霽早山報漲泥深趣
路驂騑意傾陽草木心來朝堪走馬隔宿整衣襟

雨後曉行永壽山中

旅窓兀坐見晴煙，
磽确山行亦灑然。
石出恰當橋乍斷，
穴居猶與鳥同眠。
雲橫澗腹碧於海，
草上巉腰青到天。
況是清和好風景，
潺湲是處有流泉。

大佛巖歌

石佛跏坐高八丈，
山河為龕雲供養。
侍者瓔珞立兩旁，
垂肩偏袒高相仿。
優曇湧出恒河沙，
果戛迴暎凌雲榜。
鬱盤籬磴經三休，
波羅寶髻始一仰。
下視五輪聳嵒嶭，
良久雙足見滌盪。
一莖草現丈六身，
無盡燈傳千萬象。
何時面壁猛回頭，
似欲開山輒舒掌。
豪光照耀舞鵲鵲，

法輪運轉蟠龍象
縣崖有石皆成佛
出世何人先卓杖

有唐貞觀鄂國公
闢此精藍獨宏敞
開成元豐見題勒

應福慶壽

唐宋寺名

紛游賞河湟
渡地曾幾何
熙洮構兵尤

鹵莽將士經行多
苦辛仁王閱世應
悲惻題名數子俱

影化張

希范堯

二公足神往
現身利濟真
宰官逐人奔

走空骭
鈍根未悟黃楊禪
跼步尚困青絲鞅
橫空架

壑有飛梯不生羽
翰不能上騰欲乘風
化大鵬頗思解

縛超塵網
頻首問佛佛不磨
石破天驚入非想

邠州即事六首

滯雨得快晴
懦僕亦思騁
賈勇陟峻嶮
側足下重嶺
雖

苦泥濘多且樂塵塵淨清風舞飛絮暖雲紛墮影新暄
上肩輿餘寒謝衣領天氣既和融風土殊秀整極目川
原間游心淳朴境

邈矣篤公劉度地觀流泉皇澗與過澗滌洄成廣川室
廬疊地底禾麥彌山顛百昌被潤澤千林生曉妍登橋
得平陽不辨井與廛況當山雨足汎瀾沙石穿遙指姜
嫄河岸草籠輕煙

姜嫄帝嚳妃生子胡為棄今有狼乳溝當日指腓字此
理殊難憑生民著神異不啻雖失官自土仍故地及至
太王仁岐山始遷避周公陳王業遺俗舉無墜茲當建

已月舉趾遍徑遂百里話桑麻幾忘在塵騎

振衣紫微山拾級大王閣歸市已新都奉嘗猶舊郭檐
宇附窺陶索綸兼老弱公劉墓為陵古公城式廓千秋
猶有知魂魄此間樂唐有段太尉軍卒懲橫虐宋有范
老子遺愛留耕鑿二公德在民俎豆應並託雉堞橫岡
巒蜂房攢聚落俯仰送夕陽鴉外樵歌作

山勢周如城其城倚山壯一半塹濁涇一半列青嶂城
中皆繡壤雨後翻麥浪微行翳女桑小市聞村釀出郭
傷山行隔水來樵唱風霾自括地婦子猶塞向雞犬雜
人聲都在雲煙上

涇水多泥沙糞溉長禾黍夾澗奔湧沱推沙漲洲渚驅
車經三渡修景欲高杵忽聞竹雞啼甚畏濯枝雨郵亭
下廉纖嚴程望修阻每逢清嘉地倍感行役苦如何陶
秀實勸進袖中取所以党家姬竊笑雪鑕煮何當歸田
園細注幽風譜

亭口卒

濟涇至亭口役車當受替亭長告早辦及至反留滯藉
口掠商旅納錢縱之逝老叟忽叫號市牛方按稅盡為
亭長攸駕車且私繫聞言詰亭長揆括所藏閉餉橐得
逆行行人亦蘇憩驅車出里門道左多積幣問其車與

驢山谷暫匿蔽亭長一為虐賈客皆欲涕況夫為民牧
侵漁藉權勢臨水發長歎濯足悔何逮

白水鎮卽事二首

山前白雨過山後紅雷鳴急與雨爭道猛聞雷怒鳴雷
雨戛然止山谷涌若傾猶疑雨颿雪更駭雷旬旬豈知
山漲發平地波濤生水木相鬥爭人馬來縱橫欣飛不
敢過恐欲橫長鯨夜半陡消落星月涵光晶擁輿出煙
渚羣山自崢嶸

昨日四山雨人從雨隙過未知雨何方頗訝山欲破今
行十餘里前路回車馱云當山阿衝泥深腰脚沓每逢

橋斷處一陷力無那下車觀彌野蹉步泥塗坐大能推
沙石細若經春磨平或川原淤深則溝渠播欲行當乘
輶却走嗟坎軻道傷集丁夫鍤掀更箕簸因思刀割塗
轉憶風揚堞出淖依山行雲起如山大

平涼道中

朝那城外磧平沙葉子河邊水浸車塞雨長如秋景象
巖煙多出穴人家高田小麥難成穗廣陌垂楊始作花
獨有牛羊紛被野牧童倚樹聽吹笳

六盤山

不見六盤山但見五里霧披霧入山中前山莽迴互絕

澗奔懸流疊嶂聳孤戍仰窺造物心不欲通行路想緣
樵牧塗漸啟往來步繞山關盤紆驅車愁僕御有時迫
巖壑飛鳥不能度曲折反下阪迴旋乃登馭山腰得亭
臺古稱避暑處寒風砭肌骨霏煙生草樹層巔望尚遙
輿夫休已屢喘汗衆無譁躡頂吾滋懼雖喜峭壁躋復
憂峻阪注可憐疲牛車曉行到昏暮生無山水緣空悔
出山誤宦游日行山不若還山去

題隆城驛

秀萼時節出重關點點煙濃認翠鬟杏蕊綻紅楊葉小
春光纔過六盤山

靜寧道中

川平土沃洛川同洛水城高鎮尚雄
關外直連關百二隴干橫界隴西
東過橋柳短含煙綠背嶺花低向日
紅四野寒雲渾欲雪因風吹作雨空濛

題畫鷹

邈然一秋心獨立無鳥地君看戢翼時自有盤空勢

雨發會寧至西鞏驛

沉陰灑如絲衝雨衣裳濕豈不惜沾濡
官程既嚴急夫徒慣揭厲僮僕借蓑笠
涉波無定澗上阪理袴褶天氣未分明
旁有土人揖謂官類有道胡為懷怏悵
此間患

水惡無水等無粒河流多蝨口牛馬不能吸掘井至十
施庚泥無可汲穴地為空窖得雨流浹澤藏之若甘露
飲之如乳汁往時常亢暘窖涸縵縻澀戶口多逃亡溺
沱始還輯當其無水時大府亦難給况復困塹塵病暵
誰波及官是澤諸侯那知赤壤邑幸而遇甘霖涸酌恣
注浥我聞憬然悟再拜乃疑入立不知天之高狃於性
所習晴雨關氣候化育仰闢翁往往遭屯蹇紬繹皆獎
挹歆蓋驛亭開倚欄朝曦入

青嵐山望安定西北山雪甚厚

山中嵐氣青山外雪花白但覺風嚴寒不知雪幾尺登

嶺遠憑眺西北如曳帛相違近百里冷豔侵巾幘安西
古邊鎮前代森戈戟羗兵鐵柄襦塞馬玉題額彎弓欲
射雲踣鐵如迅翮橫挑啟憑陵合鬥列戰格當茲雪沒
脛不啻鋒折脊炊煙斷河湟齒骸埋沙磧聲威

本朝隆絕徼萬里關古稱守阨塞今皆隸郵驛山有澱
澱羊野有油油麥東南足儲胥轉運皆

恩澤題詩紀物候非為嗟行役

曉發安定宿平鉤驛館二十四韻

曙色催鞭影晴光落帽簷重城開粉堞疊嶂敞碁碁
似春初少青從雨後添背牆花漠漠沿路草纖纖柳舞

絲能裊犁翻翠欲黏影疑雙翦燕痕記一鉤蟾隔宿寒
暄異孤城水陸兼殘冰餘北澗積雪占西崦昨指雲隨
轍今看霽到簾繞巖仍照眼出險輒掀髯地僻炊煙靜
時清戍角嚴聚邨皆堡砦得穴即閭閻說餅堅如石烹
茶味有鹽驅羊童著縹桃菜婦持鑷客作殊方語人於
半嶺覘牡丹樵任刈首霜牧能厭枯樹橫橋仄傾崖立
柱尖掉頭疲騎返銜尾重轅淹芻豆牛犇飯刀圭僕愈
店復聞車道峻齊向馬鞍瞻車道馬鞍皆山名且喜前途近纔
容半日詹倦眠聽轉轂趨趨望懸帘負橐時心折投囊
盡口占疎星明旅舍短榻數郵籤

徵馬行

騰驤萬里皆驂騑日逢數百驅長楸連錢火印青海外
飛羽夜過南山頭南山嚴軍會行戮西川傳檄先誅酋
已聞醜類半芟蕕更恐易種滋虔劉宛馬權奇失空濶
秦師徵調供苗蒐衝泥乍過新雨滑歷塊自簡輕雲浮
塞上草肥肉礮礮陳前風挾神清邁閑官奚奴莫惆悵
蜂屯蟻聚當爬搜我聞元戎意持重欲待圍合成功收
困獸方焚尚觸樹涸鯢已翦猶衝舟自知壓卵必齏粉
詎肯授首同繫囚

朝廷恩啟三面網將軍相當萬戶侯脅從罔治盡解甲

雅歌自牧車徒牛牛耕田原馬入廐凱歸佇聽鳴羣駒
滯雨喜晴二首

積陰連晦朔寒雨似深秋獨坐閉山館孤雲橫驛樓乍
聽鸚鵡語還檢鸚鵡裘曉霽催排馬門前溪水流
風定宜褰幌山高不作泥殘雲猶墮地細草已侵蹊赴
陣逢宛馬投村聽寶雞桃花巖下路霞影襯輪蹄

車道嶺

一落一起千尺強陟彼截竄之崇岡斜阪曲隨車道轉
斷崖低壓雲根藏金城曉光照草木雪嶺寒色侵衣裳
登高叱馭者誰子撫軫橫睇獨鶴翔

陶山詩錄卷四

陶山詩錄卷五

善化

南旋集

交餉後病起

迢遞關山奉簡書
玉門秋撥待儲胥
息肩重負剛教釋
回首輕裝未敢居
鐘鼓何能娛海鳥
高潤亭方伯同年招宴
聊自療河魚
猶懷霍趙勲猷
遠小極當從一覽除

遊五泉山

驃騎出師渾邪降
皋蘭山下橫戈縱
當時士卒渴欲死
以鞭卓地泉淙淙
至今灌溉滋沃壤
臨洮移治稱雄邦

我性愛水愛泉石客游方苦塵封龐旅病纔蘇動吟屐
山光直入侵踈窻手扶柳栗登崆峒半巖鐘磬聞錚鏦
無數涓流出細石有時小渡經平砑上嶺漸陟七佛閣
循壑斜倚千尋杠野童汲澗烹茗茗溪女漂褐乘奔瀧
山僧指點山前後五泉分瀉聲琤琮忽談十七年前事
劫焰歛起心神懣刹魔敢犯諸天界鬱攸頓化百寶幢
泉源幾枯見焦土琳宮已燼無殘釭仙靈呵護栢蠹蠹
天神顯異鼓逢逢赫曦一照掃妖霧虬虎成陣殲狂魘
壘培尚在前窳兀殿閣始恢今駿龐從知章亥極延袤
那許蠻觸相衝撞竭來捫葛覩泉眼谷鳥驚起人音楚

古懷近蹟隨逝者糟牀但見篋春缸磴歌苔滑坐倚樹
水竿風鐸傳新腔

河橋

黃河東下我西上伊闕遙看路百丈潼津一半天塹開
崑崙萬里星源仰蘭州雄控河西地自春徂夏輶車至
天都山上俯洪流廣武城邊宏利濟波濤湯湯橫舟船
銅柱鐵鎖相鉤連權奇倜儻來大夏璆琳琅玕通于闐
我程本自洮河返却上河梁窺混沌隔岸山齊白塔高
騰波水映青海遠羊皮載粟浮鴟夷雉堞連雲排石堰
鼓浪雖非一葦杭架木無須千竹捷如何底柱關三門

轟雷激電東南奔蟻穴隙開浸州郡虹隄工築窮寒暄
去年渠上躬疏濬今來橋畔尋波痕歸從淮海告都水
順軌安瀾當若此

發蘭州却寄張三雨巖明府

森二首

候馬亭前四牡驅東郊贈策首歸塗也從年少臨洮子
買得河西汗血駒纓綴犂牛披短褐裘輸文豹襯璫瑜
最憐清曉金城月向客圍圍送入吳

來時挺劍去垂橐點檢奚囊尚自豪藥裏新儲紅枸杞
食單常進綠葡萄泉流出谷明人眼山色霽雲上客袍
異地同心如舊識令人回首憶蘭皋

固原平涼道中卽事四十韻

瓦亭關外水雲交，峻折難行勝二嶠。峭壁切雲天設險，
斷崖環水地爲坳。何年墜石橫巖腹，幾處流泉挂樹梢。
暮暮朝朝愁雨至，高高下下見山包。阿香車至林先震，
少女風來竹自敲。火礮迸空驅蜥蜴，機舂藏壑守舟蛟。
鷗鷺驚淅瀝，纔淋慢鴉噪。纁黃又入巢，晝日陰晴渾莫定。
澗溪清濁不相淆，嶺從疊嶂分雄徼。路近開城出遠郊，
著屐齒緣盤磴。蘚障泥蹄踏塞蹊，茅趨墟啟穴孤煙直。
遲渡登橋落月梢，采采鼠姑當插帽。飛飛鳧父恰鳴鵞，
未知佳境同甘蔗。且向深波賦苦匏，古木百圍疑伏豹。

新濤千丈駭潛蛟
間攜裨史長留枕
小摘蔬畦便入庖
萊菔圓如梅作饌
蕨芽肥似筍供肴
泥中印跡奚容覓
鞍上吟觥漸欲拋
掃屏昨曾題胸臆
拂塵頃已網蠨蛸
途經安定逢通責
時異朝那備折膠
隴上戍無聞鼓角
靈州牧自就芻茭
半邊屋狹難橫榻
尖角帘低更綴旂
夜發邨更傳脂膊
曉酣奴話禁號呶
輪高於戟行宜杼
野盡為墉守在櫟
氣候蒼涼如有隔
民情質樸不須教
鞭羊反著羊毛鞞
舞燕偏隨燕尾髻
窸簌上肩誇勇健
弓鞋長跪詫姣媼
楊花到夏初飄絮
麥穗當秋正坼苞
決溜開渠魚唼唼
卑枝接葉鳥咬咬
烹茶知味殊鹹苦

市翠看苗異沃硤稟得金形田面冷聽將土語夏聲饒
大夫穀倩五皮貴博士驢須三紙鈔猶指淖泥曾折軸
頗聞軍旅尚鳴銃運糧秦犂勞駝圖徵馬灰沙助虎虓
尅日合圍寒賊膽過時失業切民胞上功猛士雞翹插
稱使行厨兎首炮鮑老旗邊翔怖鴿虞人羅外走驚麋
白衣回種形魁壘黃帽番僧咒詰聲纓雜曼胡披棘鞬
箭開礮礮舉弓弣詩紬駟鐵真同澤書訂金蘭合玩文
雨巖頻有書至試訪誰歟是元晏不如逢掖任相嘲

游水簾洞怯不敢登

盤空墜石壓地重地墳石裂天開縫架木為梯倚雲立

我欲攀躋心惴恐鬚頭奴子捷如猿延緣直上復衡從
仰窺繞見度懸橋又徬巉巖入幽洞飄然飛下千尋梯
笑指勃窣出虛空斷潭無底橫浮梁峭壁微凹結綺棟
旁多竅穴通尾閭大者如屋小如甕就中一洞得水簾
突厦重重濕嵐凍眩眼燐火陰房閤摩肩滴翠寒門壯
我思少小愛探竒老大孱軀更何用欲因行役廣見聞
乃似懦夫愁罄控昨逢僚友從東來曾以流言為悲慟
云我前行潼渭間虎口編鬚駭客夢辟間有句落長虹
頗疑詩識增傳誦見我言旋賀更生尚如痛定還思痛
豈知結纓以殉悝不若微服而過宋臨危致命真慨慷

冒險輕身亦愚蠢泰山鴻毛可與權下牀傷足猶內訟
矧茲登高復臨深僅豁心眸恣吟弄

寄書馬涇陽俞藍田兩同年因書其後

人生動如參與辰況乃宦轍馳迷津歲在癸丑始通籍
八十三人同播紳引

見丹墀被錄用廿二人以令宰遊十九今發三即用孫
籤掣取催征輪馬子謂選得西縣我分入吳俞入秦其
他散布各州郡幾載踪跡難相親日余奉有洮河役道
出關中懷兩人所治皆非經由地頗思枉道還逡巡
車醴泉遇馬二握手話舊如逢新臨岐寄言與俞七離

懷欲訴徒諄諄長安城中忽相晤猶疑夢寐嗟歎頻恍
如春明共杯几行役雖遠願已伸曉風輕折灞橋柳暑
雨迸散瀉池蘋懸擬後會付鴻爪珍重努力傳魚鱗書
罷促裝恰新霽明星落落當清晨

華州道中望少華

華山驛館對少華煙雨迷濛三日夜曉光盪漾凌峰尖
樹色青蒼迸巖罅山靈為客洗塵眸淨滌諸峰空翠浮
筋骨嶙峋露厓窔頂顱突兀同雕鏤直舞猿猱躍虎豹
橫攢劍戟森戈矛千丈一落直至地四時之氣常為秋
少華奇絕已如此太華壁立可知矣雨後看山勝登陟

瀑布還飛百泉水，褰帷橋畔方凝注。正是希夷墮驢處，
山根尚有神仙牀。試問長眠為誰寤。

買金錢龜

恰有青蚨四百枚，買得靈繹果。雷獵若凡六龜，是時夏
至前一日。陽極為姤，天風吹龜為陰物。六陰數，每龜各
值六十六文。幕有奇，其地華州蓮花寺。金天光映玉女
池，龜獨得其方之色。常在十丈菡萏影中之綠陂。靈蟪
化作五銖小，上圓下方中矩規。不飲不食息以耳，可以
藏之襟帶同佩觿。有時左顧亦放去，何妨十朋或益之。
人情不失以為畜，三百八十四爻知不知。七十二鑽免

乎而

遊玉泉院望太華

昨為雨所困今知雨亦佳不然玉泉澀何以寫塵懷策
馬度山澗水勢已如淮入門森萬竹隕籜深沒鞋飛瀑
極歎欲轟雷驚虎豹演迤匯為池浩漭無津涯墻有無
憂樹枝幹橫榆槐洞有無憂人高卧門當關云是陳希
夷蟄法藏形骸洗耳亦已久蛻骨何須埋小麓倚淵谷
孤亭出煙蘿道人指盤道仰視眼先揩蔽虧遞起伏瘦
削齊歲褰卷如蕉抽心蠹若劍出鞘端如檣象笏驪若
垂青綈譬如壁窠書屋漏與斷釵亦若畫家鉞劈斧與

亂柴獨有峰絕頂反若天可階人如周亞夫馬若拳毛
騮軍威肅車駕健骨行天街一朶青芙蓉得雨滋根荄
千層碧菡萏出水攢枝梢洗頭窺玉女鍊石思神媧恨
不生羽翰飛上萬丈崖巨靈約未踐真源願頗乖徘徊
行且止磴滑侵盤蝸下視橫河渭新漲資疏排翠欲滴
衣袂聲可暗鼃蛙即此玩泉石聊堪結茆齋登山亦有
令濟勝誰能皆差幸得聞見歸去誇朋儕

洛下咏古

洛以流坤吐地符百家諸子戰吾儒闕前望氣青牛出
城外馱經白馬驅風節猶存推李郭名賢相厄病程蘓

惟宜安樂窩中客三十六宮春滿圖

游龍泉寺三首

邛山山曲梵王家觸處流泉上水車一片江南好風景
秧針插遍繡袈裟

頗似華清礬石湯由來冬暖夏微涼湏知洛水先溫處
不受流脂膩粉香

菡萏初生百脈泉滿池荷葉映田田昨從太華山頭過
曾看天池十丈蓮

由鞏至汜口占

黃河伴送客東還隱約帆檣出遠山綠柳陰中紅笠影

曉風躍馬虎牢關

望後早發二首

月朗渾同白晝露冷頗似清秋馬足一塵不起人聲萬
籟俱悠

涼擁青綾一領光穿綠樹兩行旅夢隨風斷續明星與
月低昂

寧陵道中十二韻

世路多仇葛人情總畏匡此心存戰栗到處得康莊于
役常聞警言旋迴不忘苗耘先望宋爪灌正從梁伐鼓
花村雨毆禽果苑香蛙暮如犬吠麻菽過人長活活泥

衝路溶溶水漫塘鳩鳴愁淖近蟬噪覺風涼去苦蒙戎
被來同襜褕忙揮蠅思劍拔擇蝨笑弓張擁轡平臺下
披襟大樹傍

平臺大樹
商邱遺跡

忘憂何處館藻績渡睢陽

永城道中

小暑新晴日正長太邱遺境鬱蒼蒼風來禾黍叢中熟
水望槐榆井畔涼蒲葉密藏魚艇碧麥穠團作草麻黃
迎車錯認深秋色菜有金花市地香

古絕句四首

飲酒惡作醋飲水惡作鹽各有所宜味何處著酸鹹
汲井不得水慎勿羸其瓶無水別求井無瓶空復情

北歸喜見蝸南歸喜見蚊二物何足喜鄉思自紛紛
郎採梔子花妾採丁香結兩花結同心其性異寒熱

宿州以南泥水難行三十韻

符離幾日雨積雨盡成泥容易埋車腳艱難躍馬蹄衝
蒙微有路入市更無蹊越隴尋禾稜凌坑犯菜畦喜登
橋背凸怕踏碾渦低獨往防顛仆羣奔慮擁擠草驚蛙
跳澗礎潤蟻緣梯洄鮒能游轍濡犍不上隄蜿蜒蚯蚓
聚懊惱鷓鴣啼曦照峭如削波翻踈若犁負塗封豕虜
掉尾蹇驢嘶來軫言前路通衢遇曲溪迂行猶脛沒誤
涉與腰齊濠外添魚罩淮壩失柳黃青菱都浴鷺紅蓼

輒沉鵜重載愁豐賈浮汨樂小奚筍輿輸快騎子類
連雞麗殺懸心旆屠蘇障面鰲汙邪同坎窞蹉跎費攀
躋探淺先投石臨深必杖藜槩牙翻弗用履齒亦空攜
電袴禽呼脫軍持蛤吠提蹄身纔出險到耳又流澌頗
愛啄苔鶴還思分水犀伏陰風自北遲渡日平西插稻
蕪男女驅牛剩耄倪列塍成澤國載道慕巖棲淖笑樂
書退塵揮庾亮迷忽聞翻幕燕切望飲河蜺屈指江干
近風光補舊題

早度清流關

清流之墟瀏其清雨後灑灑山腰鳴衝霧登山山欲雨

衣帶都染煙嵐青煙嵐橫抹闕頭曙叩闕欲認來時路
野寺無鐘門未開駐馬憑眺金陵樹金陵南唐倚雄關
暉鳳就獲周師班畫淮不已畫江守卧榻豈許他人鼾
我行西不至玉門峭函視此亦巖垣漢唐全盛尚失險
殘山賸水何足言紅羅天子從滁陽定都立國先淮揚
子孫不競蜚鴻起遺碑但記神燈光
昇平千載空陳跡為政風流思六一喬木幽芳故宛然
煙消霧捲山城出

失龜二首

為爾性愛水添盆容爾游如何階木起便欲與雲浮乍

失能無覓相忘亦弗求
坳堂接汙瀆曳尾困鯢鱖
我正江東去江波通太湖
爾如思浩蕩何遽走潢汙
遇網仍來夢循崖莫浪呼
餘珍倍什襲欲學藻山愚

次韻邵夢餘

無恙

立秋西軒偶成

夏蟲多疑冰秋蟬自飲露
涼熱非殊姿時地本異路
三庚入伏遲一葉驚秋度
寫鞍已間闕聽鼓又朝暮
炎蒸如在途逐熱益憂怖
不知涼風來惟望甘雨澍
幽人坐閒齋物候驗深樹
秋意到清詩使我生覺悟
同居塵囂中獨得蕭疎趣
不為宋玉悲能令歐陽寤
庭木豈無枝廣樾乃蔭護
甃井豈無泉洪源乃挹注
吟詩憶西軒素

月照芒屨

移寓平橋四首

之官定何所僦屋苦無錢借得數椽住便謀終歲遷架
書牆剔蘚烹茗井窺泉適舍求毋固棲身即靜便
驟雨不可測銅街幾欲沉崇朝開午霽廢宅掃秋陰履
錯苔痕碎窓橫樹影深夜來風颯灑探漏輒披襟
家具由來少移居也自忙比鄰足絲竹老僕檢饌糧公
畏趨衙鼓閒宜上野航平橋雖近市寄興在滄浪
鳩巢元自拙竹徑為誰芟乞假官無綬談詩客不衫梁
鴻新熟竈張翰未歸帆涼入秋燈夢茆廬倚故壙

奉檄勘常熟江塘三首

記里人傳鼓量江樹引繩泗童探水則浴鷺見橋棱斜
日千畦稻輕煙一鑑菱菰蘆聞好語攜挈繞溝塍
雨殘鷗外路舟入蓼花汀一夜波痕長隔溪帆影經草
飛黃蚱蜢雲點黑蜻蜓欲向前邨泊空濛有釣亭
殘暑故作勢新涼時起波晚籬疎有竹秋渚靜無荷剪
荻通行屨騎牛倩荷蓑縣公憐市遠有酒載相過

遊虞山四首

南國傳文學西山繫慕思

虞山以虞仲得名

弦歌言子里采藥

孰哉祠

孰哉仲雍字見世本

丙舍此松老辛峰雉堞危城闔迎爽

氣岩壁動晨曦

一蟬鳴引路萬木立當門鳥渡空潭影花明曉露痕何
妨山自破莫道水無源坐愛風搖定翻嫌鐘磬喧

拂水巖前路重湖隔翠微有風常習習無雨亦霏霏野
鶴三峰出晴虹一劍飛那容逋客住掃迹閉禪扉

洞闢天門迥泉通地脉長秋陽不到處玉露滴空蒼被

野江風綠登樓海日黃迴舟先艤待餘興話長康

時顧潤亭

司馬機舟相待

後引河行有叙

去歲予與挑河之役作引河篇以紀其事迄今曹口

未築復浚深之費錫浦中丞被

旨察工命予從行又得七百言因以後引河命篇

醜為二渠自禹始寧無兩河並行理順水之性殺其流
九河分播亦如是周定王時矜礫徙齊與趙魏隄防起
棗野初潰篤馬湮瓠岡既塞鳴犢毀許商善算治禹貢
馮遂孫禁謀不用致令禹河故瀆亡况兼屯氏新川壅
永平修渠自滎陽東經千乘千里強遏衝疎滯通濟汴
王景底績高宣房下逮宋世橫隴決曹村大潰北流絕
梁山張澤分二支南清北清派殊別張秋塞決北又改
並由淮泗入東海河淮一瀆自明昌至今已歷五百載

元季賈魯開南河疏塞隨宜功最多生溪故澗有良法
白茆黃堠無狂波河流遷變真難定以海為壑乃其性
孟津以西禹跡存孟津以東惑旁徑北道趨海經澶淵
潰從汲縣胙成間或道滄瀛或濱棣冀邢濮博遭顛連
南道趨海經曹單潰出封邱蘭陽縣或挾汶濟或泗淮
鉅野彭城邁昏墊一從會通資轉漕又開泲河隔重埽
經流不可復東北有時濟運還啟導其南則有洪澤湖
高堰之下淮揚潴今之治河無二道河身海口當深疏
前年溢豐去年碭北岸衝曹劇橫放徐州穿渠役大興
守宰奔命事尤艱費糜無慮百萬金渠成不見千層浪

合龍屢罄虞衡材受植仍歸將作匠今於故渠掘溝坑
制軍河帥董其成察工兼命督漕使振業況重賢中丞
中丞將行謂仲冕引河從事爾其選經營工役爾所知
摘撫利病我能辨是時曹工水維緩齊人爭咎徐高淺
水之繩之眈平沈徐下於曹三丈遠徐河剗剗集畚鍤
曹壩不戒波浹漑適逢天雨作汙泥下游復被秋潦壓
識者方憂決口寬是役雖成功未完淺人失計在分謫
賢者用心唯除患忽聞睢州決夜半河伯效靈符

廟奠曹口相違二百里洪濤不塞倏已斲取次疏淤號
令壹水正而裁日至畢我嘗星雨聽輿謳巡工無事親

執扶中丞按行忘其勞不擁車騎操干矛吏卒爭先不
愆素飛章入告宣

恩膏落馬微山都歸壑豐沛徐邳土俱涸耕犁已漸培
春苗金粟猶頒養貧弱但聞毫宿成沮洳淮湖泛漲吁
可虞昨歸來過清河口水波浩沔漫菰蘆願祝睢流早
順軌疏川力役事長已紀行重述引河篇下策不敢告
都水

放鶴亭

放鶴亭子山人著放鶴亭記太守作太守真應羨山人
胎禽不得同狂藥我為鶴謀殊不然芝田衡輿乃所樂

無端收放總由人何異樊笄日羈縛多因飲啄親稻粱
未許翱翔起澗壑金鐘那得娛爰居玉璞敢期抵烏鵲
何如海濶天宇空與人無爭亦無託羊公不舞立矍矍
王子能乘游廣莫太守山人解此情便須長放任盤薄
我本山林入塵闕戢羽低飛羣燕雀登亭讀記發長歎
一聲高唳雲間鶴

登黃樓

去年被檄來徐州趙公無暇登黃樓今年于役隨節使
循城覽眺容獨遊城隍相距不數武女牆睥睨平土牛
樓在城隅近北峙河橫樓外經南流憶宋熙寧方十載

澶州大潰趨下游溢南清河入淮泗居民欲走太守留
不避塗潦呼卒長大築隄堰蟠山邱呂梁百丈雖湍怒
彭城三版仍增修蒼黔完郡免魚鼈雌黃塗壁欺蛟蚪
太守為誰蜀蘓軾記樓有石屬子由至今樓上並尸祝
對床風雨如相酬霸王廳邊黍豆晚戲馬臺畔榆楊秋
洪濤巨浸不可測當官須識憂民憂

風雨六章章八句

有序

風雨感行役也節近重陽年屆初度撫時述事自訟
自箴

風雨淅淅車馬駸駸秋將暮矣感我勞心涉泥衝淖漸

惟至襟道路伊阻歲月彌深

歲月幾何四十有六往者莫追來者可贖名之不修德之不淑風雨瀟瀟誰規予獨

內省厥愆匪邪則妄既疎且庸慮事奚當人莫我知如猗斯放瑟兮憫兮以專所向

外迺輕躁浮薄自醜何以藥之重靜深厚視其所存動容出口失今不治自詒伊咎

昔有君子五十知非寡過未能化匪驟幾嗟予小子小人之歸不懲胡愆不憤胡為

河水湯湯日震其防或南或北潰不可當正流斯壅疏

濟無方小子觀之以謹德行

省身雜警二十四韻

養心欲必寡養氣躁當祛務使邪思斷常將妄念鋤精
神斯振作意態要安舒懈怠中先餒輕浮德不居三緘
毋率爾寸步貴凝如發現誠之伏根源性所據永懷悲
菽水追養竭椒糈慎勿危遺體終須返敝廬弟兄難再
得朋友善相於最鄙嫌生隙難容數見疏家庭無禮節
牛馬亦襟裾拂逆求諸已投艱責在予機權乘以猝道
理裕於初握要惟寬簡沉幾是靜虛臨時規急遽慮事
忌遲紆交上思和諍當官審疾徐持身体放空接物總

留餘清白敦寒素絲毫謹國儲約奴休縱犬御下合觀
魚吏蠹宜窮矣民碧可忽諸喜防乘興諾怒戒與人書
懊悔翻為累讐尤即便除櫻寧忘寵辱檢點顧聲譽見
惡嗟何及箴言勒几興

次韻武蘭圃留別二首

春船送我赴金城聽徹吳娘打槳聲笛裏關河渾是夢

樽前風雨若為情息鵬六月客先去

正月余有北河之役君與賈藥園明

府餞於山塘及旋興而藥園已罷官先歸歸燕三秋君又行旅館殘燈話離
索雲山一夜別愁生

并州鄉思逐年深搔首頻抽白玉簪入口尚留臯伯廡

一官惟媿洛陽金浮雲冉冉征驂路落木蕭蕭客子心
莫倚望江南唱罷飛鴻仍聽北來音

青村集

疊韻和陳桂堂太守

廷慶

四首

己未

往歲溪蠻報羽函負嵎蠢動七星蟲虎符夜發龍貅捷
螳斧朝除冥窳饒太守春行江口樹將軍風利岳陽帆
知公舊有綏安策兼笠何勞鐵作衫

來詩述平
苗事故云

憶持過所出潼函嘯聚南山正阻岳桃塞牛驚衝火逸
榆關馬聽齟萁饒李波小妹先成磔楊僕樓船快舉帆
鶴唳聲中攜餉橐雞鳴陌上整行衫

折首嘉音到羽函

恩綸已沛蜀西岳如何困獸焚林出尚有飢禽啄肉饒
握要宜安原上犢制奇先斷漢中帆喜聞軍令臨淮肅
不著諸于繡襦衫

倥傯宵裝牒訴函談兵如說虎蹲蟲噉弓鳥自聞弓怯
行災人因執災饒局備一枰看著子舟盈萬斛在寒帆
書生不若百夫長頗羨叢臺短後衫

喜舍弟至

吳楚三年別園池五月晴添衣防海霧解糗記江城舊
閣詩圖展新亭射耦成偶然言昨歲此日二陵行

題黃一吾

湘南詩稿

一吾三十歿於越我曾腹痛感倉卒半生精力為文章
身後聲名未突兀經今又歷十五年夢裏追尋空恍惚
其子本驥自楚來手攜遺稿相迎謁由來卷帙欲等身
尚留筆跡細如髮風前展讀涕洟瀾副墨何當付剞劂
本驥自說七歲孤今雖成立勞筋骨弟名本驥頗通敏
終日憂貧難奮發有母苦節如共姜營塋艱難彌歲月
我聞三歎更欣然有妻有子君不歿日吾與君總角交
聯床意氣何蓬勃君今遽作修文郎我乃行同廝養卒
當時憫我車輪轉今日傷君駿蹄蹶挂劍常思結契深

撫琴倍惜餘音歇為語本騏歸侍母崢嶸莫忘增閱閱
我為執友雖不文他日題君墓門碣

題虎邱一榭園圖

山先塞門水出罅此中僅可容一榭太守為政得寬簡
脫帽披襟坐其下前年初建香山祠佳境引人如啖蔗
望衡恰得百弓園買山豈惜千金價不愛雕幾門華靡
但令戶牖通桑柘香凝戟衛頻呼舟興發林泉輒命駕
芻有斗室最幽閒獨對松寮趁清暇畫來一角寫其真
詩示千秋不容詐他時留作角弓篇平生厭學樊遲稼
古者倉庚氏其官中世居官不能罷每於故里營菟裘

便欲終身謀祀稭豈如築榭意灑然靜與天遊觀物化
葺治遠過叔孫館游憩還同召伯舍雖為太守供旬沐
一任吳民歡伏蜡洛中小宅渭上墅何若遺黎相慰藉
此圖長與此園俱蒼松葉竹無冬夏

聽濤硯桂堂所贈

少時安硯處架屋羣松裏濤聲日夕聽頗助文瀾起作
吏家屢空松摧樓亦圯致令石田枯頻呵不得水先生
倒詞源示我無涯涘兩珪今琳腴五粒刻橫理題詩得
嘉名拜受感前軌硯曾供玉堂簪筆脩丹史及其一麾
出廉石伴行李今我學為吏文書日填委量德病未能

顧名議自己昔日讀書樓手澤幾忘矣藉以銘片石凜
若增培壘開函墨浪翻欲附餘波綺

桂堂見和聽濤硯壘韻畲之

石墨著而黑察表可見裏豈惟戒塵污治法以義起賦
質本堅貞辟立無積圯含輝原在山潤物莫如水磨礪
成半圭折鄂分兩渼當以麤砂治應悟猛政理青城如
南岡士夫尚風軌礪之以廉隅澤之以經史詎為多節
松莫學無核李宥坐得瓊瑤切蒯儼端委墨磨豈有窮
詞費不如已物無不宜之政在其中矣但愁無鴻筆輒
欲效堅壘遲公早晚來揮灑看振綺

射圃

射圃橫十弓侯道劣百步只緣積瓦礫漸苦碍蒸屨我
非貫革才頗習采繁賦脩除令辟械鞭築沙隄路中鵠
知難期折矢可無懼政簡偕賓僚比偶鑣如樹失的每
豪釐持弓愈審固必反求諸身往省括於度雖非惜寸
陰亦不廢曹務況當水木清因之往來屢

補籬

繚圍不以墻竹籬致疎野但取足遮欄何須蔽亭廈漚
漚循溝塍羅羅稱清雅風雨有斷缺衝突見牛馬決壅
欲撤藩踰垣還禁蹀牽蘿藉補綴選樹存拱把虎落相

絲連麕眼尚邪哆當其游衍時不戶窺觀者隙地讓西
鄰官民類同社治事貴精詳治居貴聊且

架亭

廡東故有池池西故有榭榭左為迴廊上與池相逐池
長作磬折小亭故橫跨榭存亭已傾呼工以木架未成
我當行既作不可罷去住了無憑徙倚即為暇斗城少
市廛薺麥繞官舍苦雨經殘春落成已初夏名之曰霽
心池邊夕陽射

次韻胡滄臺

大觀

池西小榭三首

一官行且替五日住為佳便面迴張馬疎寮揭米牌畦

疏通出入鄰竹巧安排城市如村落籬邊見荷葉
洲畔魚常轉枝頭果欲乾院荒頻剔芥庭敞遠聞蘭滯
雨鶯愁濕聽潮客話寒劇憐風信晚棟影照回闌
枉渚朝宜月低軒夏愛晴燕纔營半壘蟻尚夢專城花
援功難已荷筒計不成宿桑有餘戀一日再三行

雜詩三首

鳥有意而智社稷襲人間處堂任飛舞與人無爭惡營
巢且將子拮据惟苟完春來輒秋去曾無終歲歡今我
不及斥程期輸爾寬爾反為主入笑我客行遄人乃不
如燕何況鸛與鸞

倚廬數竿竹榛蕪所蒙翳我命培其根先之以芟薙春
雨既澍濡萌芽茁階砌解籜上畱看已有干霄勢綠陰
未長成旅人難久憩憑誰報平安瀕行數凝睇

庭前紫荆花花繁葉尤密高不及尋丈翳薈爲所暝斑
斑白頭翁銜柴以爲室綢繆得紵絮卑棲謹入出卵可
俯而闕風雨亦安謐或云人將去野鳥如社鷁禽得氣
之先此理頗難悉但屬後人來保護使不猶

南橋與桂堂話別再疊前韻

出不儕夔龍豈在環堵裏志不騰鷗鵬不若搶榆起當
朝仰

文思百昌無蹙圯令如草上風言如石投水量如北海
若笑彼百川涘況以國之楨羣相助為理紫氣開
彤廷珠璧映文軌儒生著讀書經世本蒞史公為化俗
文不羨封侯李豈因善刀藏自憲如土委謙沖推二難
恬靖學三已此非其時乎可出而仕矣疎才媿中年離
情感畏壘何以志殷勤質言謝紉綺

舟過松江被檄促行盛百堂汪西邨張遠春留詩
一卷舟中讀之仍疊前韻

雲間三君子製衣被錦裏謂余尚書生投贈從此起余
喜得聞邑取次舉殘圯公等翩然來鬚眉照池水吟情

聯信宿別思滿江溪誰知官受替亦自理行理治譜固
未諸疾驅無善軌深懼愚為神衆口嚴於史廼復羅餞
筵釘盤蕭梅李吏民意良厚酬接幾頓委將尋朋舊歡
簿書且斃已星符催上道一日三至矣風利不得泊空
望屈賈壘猶留冰雪文什襲勝羅綺

重之吳江三首

宦游無計返江湖三載迴帆綰舊符漫道鐵船今竟渡
何當竹馬為前驅下車自笑來馮婦折節誰愁遇灌夫
父老相逢輒相勞謂余霜雪點髭鬚

十丈虹橋水滿陂繫舟垂柳乍晴時曾經祖道自崖反

敢為迎門或領之官以去來求往過民緣更替識新宜
莫言安我催科拙甦困全憑穀與絲

耘松亭子跨中河橫倚闌干靜不波急拓半弓收菜竹
仍披六枳對煙蘿琴囊書梃權安置稻稜爪畦費揣摩
新闢小園消酷暑碧梧陰裏好風多

憶奉賢因寄桂堂用重之松陵韻三首

泖湖遙接具區湖兩地風光未合符海上樓遲空案牘
江干迎送有馳驅從知單父多君子欲向桐鄉作嗇夫
揖別玉川纔幾日已將雙鯉寄長鬚

菡萏初生徧綠陂亭亭空望納涼時德星長聚陳文範

水榭全輸杜牧之樽酒細論逢客至樊籬不設與民宜
迴頭漸似三山遠惆悵溪南拂柳絲

去年此日赴關河感觸平生馬伏波歸到巢林難擇木
竭來補屋且牽蘿未經黔突家頻挈猶為題橋手重摩
敬謝故人休眷戀我如行腳打包多

陶山詩錄卷五